

ILLVSTRISSIMI
 ROTHOMAGENSIVM
 ARCHIEPISCOPI,
 NORMANIÆ PRIMATIS,
 Ad Sanctissimum Patrem Nostrum
 VRBANVM VIII.
 PONTIFICEM MAXIMVM,
 EPISTOLA.



LVTETIÆ PARISIORVM,
 Apud ANTONIVM STEPHANVM, Typographum
 Regium, viâ Iacobæâ, ad insigne Oliuæ
 Roberti Stephani.

RECEIVED 1967

ALL INFORMATION CONTAINED

HEREIN IS UNCLASSIFIED

DATE 10/1/01

BY 60321 UCBAW/STP

REASON FOR DECLASSIFICATION

1.501-101

2.501-101

3.501-101

4.501-101

5.501-101

6.501-101

7.501-101

8.501-101

9.501-101

10.501-101

11.501-101

12.501-101



Sanctissimo Patri Patrum,

VRBANO,

Pontifici Maximo,

FRANCISCVS,

ROTHOMAGENSIS METROPOLIS

Episcopus, Specialis eius filius,

*Humillima pedum oscula ; & non seruilis timoris,
sed casta dilectionis obsequium.*



ESI promptissimus ad
satisfaciendum, agrè ta-
men ad scribendum re-
fumo cadentem iam-
que fugientem, erube-
fcentem sanè, calamum:
illum illum, BEATIS-
SIME PATER, quo mihi ad te non tanquam

ad antiquum illum patrem adeundi, sed
 velut apud nouum iudicem confitendi, ne-
 cessitas accidit. Te sedente, qui omnium
 eloquentiam excitas dum contines, me Ec-
 clesiasticæ Historiæ scribendæ vel vtilitas,
 vel temeritas inuasit. eâ recti specie, quòd
 literis nostris Ecclesiasticis apto à multis-
 que desiderato vsui, & Ecclesiæ Dei tem-
 pore Episcopatus mei alicui ornamento
 esse possem; præterea Hæreticos nostros
 atque Schismaticos, malosque Politicos,
 simplicibus fratribus plerumque molestos,
 ad quandam Ecclesiasticæ Pacis normam
 tranquillitatēque, styli mei quodam te-
 nore & æquabilitate reducerem. His arma-
 tus studiis nouum certamen iniui: pro scu-
 to quodcunque zelus telum dedisset, arri-
 pui; pedestre tantum sumpsi, non quo tam
 oneratus quàm habilis forem ac tectus.
 Cùmque firmâ fronte irruissem, hostem-
 que de gradu, vt mihi quidem videbatur,
 deiecissem, monuerunt me Fratres mei, tui
 verò filij, aliquo me vulnere, meo ipsius te-
 lo, petitem; quod sensere illi, quàm ego,
 prius.

prius. Inclamatum pudore vel metu, quòd nouo bellandi more, dum parui illius pastoris ritu tutiora arma abiicio, exercitus Dei Duci præiudicium infero, moueóque arma quæ non licent; nec hodiernis gigantibus, qui caput præsertim sacrilego ausu impeterent, esse insultandum, eum in modum quem commilitones nostri, quorum iudicio lubens acquiesco, pro temerario habent. Itaque plus Fratrum concordiaæ atque charitatis & obedientiaæ maximè Paternitati tuæ exhibendæ, quàm gloriaæ audus, aut victoriaæ curans, non solùm cessi, sed vltro parui: méque totum in triumphalis illius senioris mei, clarissimi certissimiq; fidei bellatoris, Nannetensis Episcopi disciplinam tradidi, eiúsque monitis, definitionibus correctionibúsque subscripsi: maluíque, quod inter Episcopos sanctius est, humilis famæ esse quàm nouæ. hancq; adeò subscriptionem, lacrymis humidam meis (quod sacrificium ne Christus quidem, cuius vices geris, respuit) eius manibus consecraui, velut æternum inuiolatã, inter nos pacis ac

perpetuò tibi debitæ, BEATISSIME PATER, obedientiæ & humilitatis depositum atque monumentum. Quod ille, si ita tuæ visum fuerit Sanctitati, ad eam referat, ac illud, meque adeò ipsum, eius non iudicio tantùm, sed & pedibus subiiciat. Sic tamen in Regulam peccaui, dum more in aduersum nitentis aliorum paululum flectendam incautus arbitrarer; vt inconsiderantiâ potius quàm certâ voluntate aberrauerim. Sed quid desperandum? si dum coram Elisæo ligna ad ædificandum cædunt filij Prophetarum, & securis excidit, & emerfit? Si quid nihilominus in hac sylua rerum grauius à me peccatum credis, quàm mihi ipse persuadeam; plecte, vre, seca, confidenter tuo iure vt re in obedientiam aliis oculatam, sibi cæcam, nihil hîc inueniet potestas tua, quod exemplo non cedat; vbi cum parendi necessitate, voluntas religione certat. Per te eueniet profectò, vt me haudquaquam ferentẽ vt per meum latus tu petare, fæliciter peccasse, vel tui inimici meique inuidi quandòque

fateantur. Neque verò id dico, quòd tam nota quàm libri sunt, æterna illa Regula clementiæ Romanæ: *Sedis Apostolica moderatio, hanc temperantiam servat, ut et severius agat cum obduratis, et veniam cupiat præstare correctis.* Vel quòd inter Acta Oecumenici Chalcedonensis Concilij sonat, eiusdem Apostolicæ Regulæ Græcè scripta firmatæque relatio. Quis enim nesciat, illud esse Petri Cathedræ proprium, ut & cantantis galli & remissionis septuagesimæ septimæ sempiternum meminerit? Deinde, hæc est vis retractationis Christianæ, ut quem pænitet fecisse, sit innocens. Hanc primus legem in propriis libris Augustinus fixit; potuisseque fieri etiam cum laudis cumulo, senili Episcopali que exemplo nobis iunioribus posterisque demonstravit. Sequor igitur post magnum illum vestrum Æneam Sylvium, qui Pij inde meritò cognomentum assumpsit, Augustinum retractantem; sed eà viâ quam tu, PATER BEATISSIME, indicaveris: ne rivalis ille noster, humanus sensus, contempnu pre-

mat, quem nec amore vicit, nec inuidiâ
 superauit. Tuus quippe lituus, nauis Petri
 anchora est, quam Bethleemiticus ille alio-
 rum doctor Hieronymus, ne se sibi perde-
 ret, tenuit, cum per Orientis fluctus dubia
 rerum gerendarum fides, & inter plures de
 Antiochena Sede contententes panè in-
 extricabilis Historiæ error esset. Quapro-
 pter ego vnitate cum Apostolica Sede, vt
 meâ vnâ virtute me inuoluo, dum reuol-
 ues, quæ nos dicere iis oporteat, quibus vt
 in lucta, quod boni palæstritæ solent, non
 nihil tunc quidem cedendum, non satis
 rem expendenti, videbatur, vt fortiùs ster-
 nerentur. Hæc nihilominus, sed pruden-
 tiùs fæliciùsque vsurpata, fuit athletica Epi-
 scopalis ars Gregorij tui Nazianzeni, quem
 vnum post Apostolum Ioannem tota
 Orientalis Ecclesia Theologum nuncu-
 pat. Quod enim priore meo libro Apolo-
 getico ad Anglos, pictores imitatus eram,
 quamplurimis coloribus ac lineamentis
 hinc inde additis; id in hoc posteriore, alia
 Historiæ arte, quæ non contractior sed dif-
 fusior,

fusior, proindeque profusior, sculptorum instar, initiò quædam alicubi quò cætera magis eminerent, quod iam certè nolim factum, detraxi. Continuò tamen quæ detraxeram repleuisse me arbitrabar, summi immensique exemplo artificis, qui pro costa carnem addidit, & ex detracta parte suam pulchriorem statuam ædificans, primum Ecclesiæ typum in prima muliere animauit. Sat nimirum non pro rei quidem magnitudine, sed pro fide mihi videbar dixisse; qui dixissem, primis illis Constantini temporibus, Romanum Pontificem in Papa Melchiade, de Primatibus, de Conciliis, spectante Imperatore, suo iure nulla iniuria iudicasse; eiúsque supremam in omnes Ecclesias auctoritatem, etiam Gallia Synodicè decernente, agnitam, atque exercitam, in oculis humerisque æmulæ Carthaginis atque Africæ fuisse. Adde-re potui, sed vt monueram, in proprium locum, tempora nimirum Clodouæi distuli, tres illas propè diuinas Gallicanorum Præsulorum pro Romano Pontifice sententias in

causa Symmachi Papæ, accusati apud Theudericum Regem. Earum prima est: *Dum de causa Romana Ecclesia anxij nimis ac trepidi essemus, ut potè nutare statum nostrum in lacerato vertice sentientes; quos omnes una criminatio utique sine invidia multitudinis percussisset, si statum Principis obruisset. Altera verò: In Sacerdotibus cateris potest, si quid fortè nutauerit, reformari: at si Papa Urbis vocatur in dubium, Episcopatus iam videbitur, non Episcopus, vacillare. Tertia denique: Reddet rationem qui ouili Dominico præest, quâ commissam sibi agnorum curam administratione dispenses. caterùm non est gregis, pastorem proprium terrere, sed indicis. Quæ trinā nostra antiqua & certa de Petro confessio, trinæ Petri confessioni respondens, haud ampliùs differri nedum dissimulari potuit, hoc misero rerum statu, in quo discordiarum amantes, eiùsque petræ excidium meditantes, quam Ecclesiæ suæ basim proximè sibi inhaerentem Dominus constituit, minima quæque aucupantur: id vnum satagentes, ut concussio commotòque fundamento corruat ædificium. Hi*

nimirum sunt vix semidocti Schismatici, lingua atque auribus prurientes, qui sese audent inferere nostræ doctrinæ; qui tamen vt obstantes muscæ aut viperæ, electro nostro capiuntur, cui culpa nostra incurrunt. Materiam scilicet suppeditante laudis, occasione quæsitæ imminentis periculi; quod facilè nihilominus caueam ac propulsem, si me colligam, si me capiti arctius iungam. Sic moribundum Patriarcham Iacob, finitis mandatis quibus filios instruebat, colligentem pedes suos super lectulum, diuina Scriptura inducit: repræsentatura mysterio, quod solutione virium extensis destitutisq; calore membris, mortalitatis conditio denegabat. Erat scilicet Populo Dei futurum, quò nos colligere-mus, non primarium illud modò Christus Dominus, sed & vicarium eius caput; abs quo diuidiatque auelli sine interitu membra nequirent, & quicum si quis fortasse non colligeret, eum spargere necesse esset. Neque enim de sempiterno Dei filio, animarum nostrarum Episcopo, qui bono-

rum nostrorum non eget, intelligi hæc pos-
sunt prioris ad Corinthios: *Non potest caput
dicere pedibus, Non estis mihi necessarij.* De eo
ergò proculdubio capite diuinus loquitur
Apostolus quod nos vicarium nuncupa-
mus: quódque etsi indigeat membrorum,
omnibus tamen membris supereminet.
Quare meritò audimus acclamatum: *Eii-
ce foras Acephalos: si vicerint, morimur;* in Con-
cilio Tyrio, cuius Acta continet Constan-
tinopolitana Synodus; quæ quondam habi-
ta est sub Agapeto & Menna. Sed non est
huius loci, nec dolentis, at docentis, hæc ad-
ferre ac persequi curiosius. Exemplo, SAN-
CTISSIME PATER, in hoc luctu non do-
ctrinæ opus est; eoque non alieno, sed meo:
nam, tradito Ecclesiæ more, quærendum
in confessionis submissione munimentum.
Iam itaque simplicissimè tecum loquar, cui
soli facti mei reddere debeo rationem, si ra-
tione confisteret. Nunc pænitentia in ra-
tionem assumpta, Cælum in Capitolio
quæro: ad Vaticana numina suspiro: iam
ad Sedem, mox ad te Sedentem oculos
conuerto

conuerto, cui iam vultus est iudicis, sed ve-
 reor ne fulminantis! Aut iam certè fulgu-
 rat, aut fulgor est micantis Throni, cuius
 vim tremendam summo suo malo ij sen-
 tiunt qui nota, mala conscientia proferunt;
 at contrà incredibili sua fælicitate agno-
 scunt, qui antiqua, bona fide reuoluunt. Ne-
 que enim à te terror est: monet enim fæ-
 pius, qui fulminat; nec qui altiùs sua toni-
 trua deiicit, ad quemcunque euentum te-
 mere proiicit; cautos facturus plures, quàm
 noxios. Splendor est ergò cunctis reueren-
 dæ Sedis, quæ se emergentibus culpis cum
 Cælo claudit & aperit, scintillatque quia to-
 ti Orbi propè est, quantumuis distanter
 præest. Vnde memorandum illud Cælesti-
 ni Papæ, Epistola post damnationem Ne-
 storij, ad Sanctam Synodum Ephesinam:
Longiùs quidem sumus positi; sed per sollicitudinem,
totum propiùs intuemur. Omnes habet Beati Petri
Apostoli cura præsentis. Hanc nusquam magis
 dignitatem atque maiestatem Ecclesia vni-
 uersa sensit, quàm cùm in quingentis & vi-
 ginti Episcopis numerosissimè Chalcedone
 congregata, Leoni Magno Synodicam mi-

fit, vt quandam Dioscori ingentem prædam: qua se Vniuersali Pastori submittens, humillimè de cunctis qui confederant Episcopis, Græco sermone diceret: *Quibus tu quidem, sicut membris Caput præeras, in his qui tuum tenebant ordinem, beneuolentiam præferens. Imperatores verò fideles, decentia pacique Synodi prærant, sicut Zorobabel et Iesus, Ecclesia tanquam Ierusalem, adificationem renouare circa dogmata adnitentes.* Nempe in hoc Synodico Epithalamio, succinebat Marciano Sapientissimo Imperatori, qui aureis illis dictis, Chalcedonenſi Actione Sexta Ecclesiasticam auctoritatem confessus, prædixerat: *Nos enim ad Actorum fidem, non ad Potentie demonstrationem, exemplo Religiosi Principis Constantini, Synodo interesse volumus; vt inuenta veritate, non ultra multitudo, prauis quorundam doctrinis attracta, discordet.* Verùm, cætera quid moror; qui non solum Petro, sed & tibi tot debeo ac tanta? in quo vno ea sunt, vt dignus sis, à quo potestas inciperet? Accertè vereor ne in eo quod exempli audacia nocui, plus peccati in te quàm mœroris de ausis nostris apud me memoria perseueret. Hæret enim me-

dullitus pia tua affectio, quæ si crudo adhuc morbo primam medicinam adhibuisset, numerarem beneficia non vulnera. Sed minimi dolores loquuntur, ingentes stupent. A me præmittitur pænitentiae exemplum: tuum est id perficere, quod à te maximum exspectatur; ac in me ostendere, & hac ætate & futuris temporibus, quantum in partem pietatis indulgentiæque inclines: quàmque gloriosum ducas, inueniri in Sanctitate tua non nomina tantummodò ac dignitatem verissimi Christianorum patris, sed & viscera. Ignosces, PATER BEATISSIME, quia Optime: te iam quem elegeram iudicem, agnosco patrem: quæ hîc boni mali-que causantur, licenter refero: vt pueri solent, quibus spontè profluentes lacrymas quodam tamen casu cogente expressas, siccauit pater; quos etsi infantissimos, iam ad colloquium non ad castigationem & iudicium, seipsum præ amore puniens, appellat. Sunt eruntque tamen pænitentis tui postrema ea verba, nihil de se dicentis, deque suis in te, SANCTISSIME PATER, inque Apostolicam Sedem meritis, siue Apostoli-

cis ac tuis per frequentes libros elogiis, siue
 primùm olim oppresso Richeriano Schi-
 smate, siue ea quæ magnanima visa est, de-
 fensione Tridentinæ Synodi; obsequiò, fi-
 de, zelo, constantia, auxilio paucorum, no-
 tissimis. En vltro, qui ad Sanctitatis tuæ pe-
 des, calamum proiicit; ac animum inducit,
 vt, quod de Seuerò Sulpitio referunt, cui
 iidem aduersarij fuere ac inuidi; proprio iu-
 dicio deceptus, agnoscens loquacitatis cul-
 pam, silentium donec os reseraueris, teneat.
 Anno Miserationis diuinæ, millesimo sex-
 centesimo vigesimo nono, die verò decimâ
 nonâ Mensis Iulij.



Extrait du Priuilege du Roy.

PA R Lettres Parentes du Roy, données à Fontainebleau le 4. Septem-
 bre 1625. Signées, SAVARY; Il est permis pendant cinq ans, à ANTO-
 NE ESTIENE, Imprimeur ordinaire de sa Majesté; Outre les trois lures des
 Edicts du Clergé, déjà publiés, d'imprimer encor tous les autres Edicts, Let-
 tres Patentes, Arrests, & autres choses concernant les affaires du Clergé de
 France, qui luy seront par cy-apres baillées par les Agents Generaux dudit
 Clergé: Auec defenses à tous autres, de les imprimer, alterer, vendre, ny di-
 stribuer d'autre impression que dudit ESTIENE; A peine de mille liures d'a-
 mende, confiscation des exemplaires, & de tous despens, dommages & inter-
 rests.

